

possunt competere, in medietate prefata, dictis Religiosis damus, donamus, et cedimus, ac in eas transferimus de certa nostra scientia et gratia speciali. Ita quod si contingat Medietatem iamdictam ad eosdem Abbatissam et Conventum quocumque legitimo modo devolvi liceat eis illam tenere et possidere liberam utique, ac exemptam ab omni reali, et personali servitio, redditu sive censu, illamque liberam similiter et exemptam vendere, alienare, permutare, ac pignore obligare, sicut in facto iam eis a nobis dicte alterius Medietatis concessione prefata expressius continetur. Investientes ex nunc prout ex tunc exinde per Anulum nostrum Religiosum virum fratrem Mercurium de dicto ordine Predicatorum Religiosarum nomine iamdictarum. Iuribus nostre Curie et cuiuslibet alterius semper salvis. In cuius rei testimonium presentes licteras fieri et pendenti Maiestatis nostre Sigillo iussimus communiri. Datum Neapoli per manus Bartholomei de Capua: militis logothete et Prothonotarii Regni Sicilie, anno domini Millesimo trecentesimo nono die duodecimo Marcii septime Indictionis Regnorum nostrorum anno vicesimo quinto.

*Sulla piega esterna della pergamena:*

Registrata per totum.

Leucius de Capua.